

Constantia dei gratia Romanorum^a imperatrix semper augusta et regina Sicilie una cum carissimo filio suo Frederico eadem gratia rege Sicilie, ducatus Apulie et principatus Capue.

Notum facimus universis regni nostri fidelibus tam presentibus quam futuris presentem paginam intuentibus, quod nos de solita gratia et liberalitate nostra, pro remedio quoque anime domini regis Rogerii bone memorie necnon et domini imperatoris inclite recordationis, attendentes quoque puram fidem et grata servitia, que Matheus venerabilis Capuanus archiepiscopus, dilectus fidelis et familiaris noster, ipsi domino imperatori et nobis diligenter exhibuit et cotidie exhibet, concedimus ei et ecclesie Capuane ac successoribus suis in perpetuum iudaicam civitatis Capue libere et sine alicuius exactione servitii. Volumus etiam, ut terram, que fuerat Landulphi^b Compalatii, quam pre-nominatus dominus imperator bone memorie ipsi archiepiscopo et ecclesie Capuane concessit et ad presens idem archiepiscopus permissione nostra Ricie filie ipsius Landulphi^b in baroniam tribuit, quocumque tempore ipsa filia Landulphi^b vel heredes eius sine herede decesserint, ad demanium ipsius ecclesie Capuane deveniat. Ad huius autem nostre donationis et concessionis memoriam et perpetuam firmitatem presentem scribi paginam et maiestatis nostre sigillo iussimus communiri.

Datum Panormi 9. die mensis Septembris secunde indictionis.

Friedrich II. verleiht dem Erzbischof Rainald in Betracht der Reinheit seiner Ergebenheit und Treue, dann der genehmen Dienste, die er stets geleistet hat und unaufhörlich zu leisten bemüht ist, Castell' a Mare del Volturno mit Zubehör, wie seine Eltern es (1195 April 8) dem Erzbischof Mattheus geschenkt haben.

1206 März, Palermo.

In nomine dei eterni et salvatoris nostri Iesu Christi, amen. Fredericus divina favente clementia rex Sicilie, ducatus Apulie et principatus Capue.

Cum ius perpetue firmitatis donis debeatur regalibus, servari nostro tempore convenit illibatum, quicquid a predecessoribus regibus et maxime a progenitoribus nostris ob

a) *Romana.* b) *Pandulphi.*